



Dámhachtain na nÁiteanna Ildánacha 2025

Treoirlínte d'Iarratasóirí

Spriocdháta: 5.30i.n. (am na hÉireann), Déardaoin, an 27 Márta 2025

Iarratasóirí faoi mhíchumas

Déanann an Chomhairle Ealaíon gach iarracht freastal réasúnta a dhéanamh ar dhaoine faoi mhíchumas chun úsáid a bhaint as ár seirbhísí.

Má tá tú faoi mhíchumas agus má theastaíonn cúnamh uait le d'iarratas a chur isteach, déan teagmháil linn a luaithe is féidir roimh an spriocam.

Teagmhálaí: An tOifigeach Rochtana do Dhaoine faoi Mhíchumas

Guthán: 01 618 0200 nó 01 618 0243

Ríomhphost: access@artscouncil.ie

CLÁR

Cabhair a fháil maidir le d'iarratas	3
Pointí tábhachtacha nach mór cuimhneamh orthu	4
1. Faisnéis faoi Dhámhachtain na nÁiteanna Ildánacha	5
1.1 Cuspóirí agus tosaíochtaí na dámhachtana	5
1.2 Cé atá i dteideal iarratas a dhéanamh?	6
1.3 Cé nach bhfuil i dteideal iarratas a dhéanamh?	7
1.4 Cad ar ar féidir leat iarratas a dhéanamh?	8
1.5 Cad nach féidir leat iarratas a dhéanamh air?	12
1.6 Cén t-ábhar tacaíochta nach mór duit a chur isteach le d'iarratas?	12
1.7 Incháilitheacht	15
2. An dóigh le d'iarratas a dhéanamh	16
2.1 Cláraigh le Seirbhísí ar Líne na Comhairle Ealaíon	16
2.2 Líon isteach an fhoirm iarratais	17
2.3 Ullmhaigh aon ábhar tacaíochta atá riachtanach don iarratas	17
2.4 Iarratas a dhéanamh ar líne	19
3. Próiseáil agus measúnú na n-iarratas	21
3.1 Forbhreathnú	21
3.2 An próiseas measúnaithe	21
3.3 Critéir chun iarratais a mheasúnú	21
3.4 Painéil phiaráí	22
3.5 Toradh na n-iarratas	23

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin: <http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar

- **01 618 0200**
- **01 618 0243**

Má bhíonn ceist agat faoi d'iarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoiniú á chur faoina mbráid agat ar ríomhphost nó ar an bhfón ocht **n-uaire is ceathracha ar a laghad** roimh an spríodhata fógartha. <http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh <https://www.youtube.com/artscouncildemos>

Pointí tábhachtacha nach mór cuimhneamh orthu

- D'fhonn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le **cúig lá oibre** a thógáil sular féidir úsáideoir nua a chlárú ar OLS, mar sin tabhair go leor ama duit féin é seo a dhéanamh sula mbeidh an spriocdháta buailte leat.
- Molaimid go láidir duit an cháipéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriocdháta fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an lín mhóir iarrthóirí a úsáideann an córas ar líne lá an spriocdháta, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 p.m. lá an spriocdháta**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnamh a fháil, i bhfad roimh an spriocdháta.
 - Tá gach cuid den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.
-

1. Faisnéis faoi Dhámhachtain na nÁiteanna Ildánacha

1.1 Cuspóirí agus tosaíochtaí na dámhachtana

Is é cuspóir na Comhairle Ealaíon maidir lena clár Áiteanna Ildánacha, infheistíocht a dhéanamh in áiteanna (e.g. bailte, sráidbhailte, bruachbhailte, ceantair thuaithe) nach mbíonn go leor deiseanna acu páirt a ghlacadh sna healaíona.

Ba cheart d'Áiteanna Ildánacha a bheith cuimsitheach agus ilghnéitheach, agus a gcuid clár fite fuaite le cleachtas ealaíon atá gníomhach go sóisialta agus le prionsabail na forbartha pobail. Tógfaidh iarratasóirí a n-éireoidh leo ar láidreachtaí cultúrtha atá ann cheana féin agus iad faoi stiúir de rannpháirtíocht agus de smaointe an phobail. Féachfaidh siad go háirithe le daoine a áireamh a bhíonn eisiata go minic.

Baineann trí shnáithe leis an dámhachtain

- Snáithe 1: Áiteanna Ildánacha Dámhachtain an tSíl
- Snáithe 2: Áiteanna Ildánacha Dámhachtain na Fréimhe Céim 2
- Snáithe 3: Áiteanna Ildánacha Dámhachtain an Fháis Céim 2

Snáithe 1: Áiteanna Ildánacha Dámhachtain an tSíl

Dámhachtain ilbhliantúil a bheidh ann a bhronnfar in imeacht trí bliana (2025, 2026 agus 2027). Tá Snáithe 1 oscailte d'Áiteanna Ildánacha a bhfuil a gcéim thaighde agus forbartha críochnaithe acu.

Clúdófar ceapachán Chomhordaitheoir na nÁiteanna Ildánacha agus buiséad an chláir sa dámhachtain. Is é €335,000 an t-uasmhéid is féidir leat a iarraidh thar trí bliana (€85,000, €125,000, €125,000). Sa bhliain 2025, meastar go mbronnfar suas le dhá dhámhachtain.

Ní bheidh ar na háiteanna sin atá ag dul isteach i mbliain 3 (i.e. Áiteanna Ildánacha a fuair dámhachtain in 2023) iarratas a dhéanamh in 2025 chun maoiniú a tharraingt anuas.

Snáithe 2: Áiteanna Ildánacha Dámhachtain na Fréimhe Céim 2

Níl an snáithe seo oscailte ach do na hiarratasóirí a chríochnaigh a ndámhachtain trí bliana Áiteanna Ildánacha agus atá ag glacadh páirt sa chéad chéim eile dá bhforbairt.

Mairfidh an dámhachtain ar feadh suas le dhá bhliain, agus tá ar iarratasóirí a bpleananna maidir le rannpháirteachas le páirtithe leasmhara a léiriú mar aon lena bpleananna clársceidealaithe le haghaidh 2025 agus 2026.

Is é an t-uasmhéid ar féidir leat iarratas a dhéanamh air ná idir €70,000 agus €90,000 in aghaidh na bliana (i.e. iomlán €140,000 – €180,000).

Snáithe 3: Áiteanna Ildánacha Dámhachtain an Fháis Céim 2

Níl an tsraith seo oscailte ach d'iarratasóirí a bhfuil bliain 1 dá gclár Chéim 2 críochnaithe acu.

Mairfidh an dámhachtain ar feadh suas le dhá bhliain, agus tá ar iarratasóirí a bpleananna maidir le rannpháirteachas le páirtithe leasmhara a léiriú mar aon lena bpleananna clársceidealaithe le haghaidh 2025 agus 2026.

Is é an t-uasmhéid ar féidir leat iarratas a dhéanamh air ná idir €70,000 agus €90,000 in aghaidh na bliana (i.e. iomlán €140,000 – €180,000).

Tá bunús na scéime sna beartais atá leagtha síos i straitéis deich mbliana na Comhairle Ealaíon (2016–2025),

Saothar Ealaíne Iontach a Tháirgeadh: Forbairt na nEalaíon in Éirinn a Threorú (féach anseo: <http://www.artscouncil.ie/ga/straiteis-na-comhairle-ealaion/>).

Tá an Chomhairle Ealaíon tar éis an méid seo a leanas a aithint mar thosaíochtaí straitéiseacha le haghaidh tacaíochta tríd an dámhachtain seo:

- **Rannpháirtíocht an phobail:** e.g. is féidir leis an iarratasóir a thaispeáint go n-áiríonn an áit atá beartaithe líon daoine níos airde ná an meán a mbíonn bac orthu go minic i leith na n-ealaíon: easpa bonneagair chultúrtha, próifíl dhéimeagrafach le líon ard daoine scothaosta, daonra óige agus éagsúlacht chultúrtha, srl.
- **Cleachtas ealaíon pobalghníomhach nó cleachtas ealaíon comhoibríoch:** e.g. tuigtear agus cuirtear in iúl go soiléir prionsabail an chleachtais ealaíon atá pobalghníomhach agus [an chleachtas ealaíon atá comhoibríoch](#) in éineacht le prionsabail na forbartha pobail, agus is é an saineolas seo a dhéanann eolas don iarratas.
- **Taighde, beartas agus inbhuanaitheacht:** e.g. in ann comhairliúchán agus rannpháirtíocht phoiblí a thaispeáint, ar aon dul le beartais agus pleananna athghiniúna áitiúla, ceistanna soiléire taighde ann (más infheidhme), [modhanna chun tionchar sóisialta a mheas agus a thomhas](#), samhlacha de chuir chuige áitiúla i leith comhoibrithe, samhlacha infheistíochta nua chun tacú leis na healaíona, agus atá in ann todhchaí inbhuanaithe a chruthú.
- **Comhpháirtíocht:** e.g. cuibhreannas atá in ann tiomantas fiúntach agus fadtéarmach ag oifig ealaíon údarás áitiúil, comhpháirtithe forbartha pobail, eagraíochtaí ealaíon áitiúil ag obair san áit nó gar di cheana féin, agus saineolas ealaíon atá pobalghníomhach a léiriú. Moltar cúig chomhpháirtí ar a laghad.
- **Méid na hinfheistíochta airgid agus comhchineáil ón gcomhpháirtí tacaíochta/ó na comhpháirtithe tacaíochta.** Ní mór dó sin a bheith 30% ar a laghad de na costais iomlána do Shnáithe 1, Snáithe 2 agus Snáithe 3.

1.2 Cé atá i dteideal iarratas a dhéanamh?

- Níl **Snáithe 1** oscailte ach d'áiteanna ildánacha a bhfuil a gcéim thaighde agus forbartha curtha i gcrích acu.
- Níl **Snáithe 2** oscailte ach do na hiarratasóirí a chríochnaigh a ndámhachtain trí bliana Áiteanna Ildánacha agus atá ag glacadh páirt sa chéad chéim eile dá bhforbairt anois.
- Níl **Snáithe 3** oscailte ach d'iarratasóirí a bhfuil bliain 1 dá gclár Chéim 2 críochnaithe acu.
- Ní mór d'eagraíochtaí ealaíon iarratasóra a bheith ina CTR agus saineolas a léiriú i gcleachtas ealaíon atá pobalghníomhach. Ní gá go mbeadh nasc ag an eagraíocht ealaíon leis an áit, ach caithfidh go mbeidh nasc ag comhpháirtithe poiblí agus pobail léi.

- Caithfidh eagraíochtaí forbairt pobail atá ag déanamh iarratais a bheith suite san áit atá molta agus a bheith ina CTR.
- Caithfidh eagraíocht a bheith ina príomhiarratasóir (ní duine aonair), le raon eagraíochtaí comhpháirtíochta eile. Is faoi lánrogha na gcomhpháirtithe é an príomhiarratasóir áitiúil a shainiú.
- Is ionann an t-iarratasóir agus an eagraíocht a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.
- Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.
- Ní mór go mbeadh na cáipéisí go léir a chuirfear ar fáil in ainm an príomhiarratasóra áitiúil atá ag cur iarratas isteach.

Mar chuid dá [Beartas Comhionannais, Éagsúlachta agus Ionchuimsitheachta](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir féideartha beag beann ar

- Aois
- Stádas sibhialta nó teaghlaigh
- Míchumas
- Inscne
- Ballraíocht den Lucht Siúil
- Cine
- Reiligiún
- Claonadh gnéis
- Cúlra socheacnamaíoch.

Sa scéim maoinithe seo, cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach gan a bheith teoranta dóibh sin amháin agus/nó tionscnaimh a chuireann deiseanna nó torthaí cothroma ar fáil dóibh siúd atá bainteach leo.

1.3 Cé nach bhfuil i dteideal iarratas a dhéanamh?

- Ní bheidh aon eagraíocht nach bhfuil sna catagóirí thuas incháilithe chun iarratas a dhéanamh
- Níl daoine aonair i dteideal iarratas a dhéanamh.
- Ní féidir le Comhaltaí de Chomhairle na bhForas Cultúrtha Náisiúnta (CNCI) atá maoinithe go díreach ag an Roinn Turasóireachta, Cultúir, Ealaíon, Gaeltachta, Spóirt agus Meán a bheith mar príomhiarratasóirí, ach is féidir leo a bheith ina gcomhpháirtí.

1.4 Cad ar ar féidir leat iarratas a dhéanamh?

Baineann trí shnáithe leis an dámhachtain seo

Snáithe 1: Áiteanna Ildánacha Dámhachtain an tSíl

- Dámhachtain ilbhliantúil a bheidh ann a bhronnfar in imeacht trí bliana (2025, 2026 agus 2027).
- **Is é €335,000 an t-uasmhéid is féidir a iarraidh thar trí bliana** – i.e. gan níos mó ná €85,000 i mbliain 1, gan níos mó ná €125,000 i mbliain 2 agus gan níos mó ná €125,000 i mbliain 3.
- Clúdófar ceapachán Chomhordaitheoir na nÁiteanna Ildánacha agus buiséad an chláir sa dámhachtain. Ba cheart buiséad a shocrú don ról seo ar feadh trí lae ar a laghad sa tseachtain, go hidéalach níos mó, i gcomhréir le taithí chuí agus shaineolach.
- Níor chóir go rachadh níos mó ná 45% den bhuiséad i dtreo costais riaracháin, taighde, forbartha agus meastóireachta.
- Ba cheart 55% ar a laghad den bhuiséad a leithdháileadh ar chostais clár agus cumarsáide, cé go n-aithnítear nach mbeadh clár gníomhaíochta sainithe ag an bpointe seo.
- Caithfidh 30% ar a laghad de na costais iomlána teacht ó chomhpháirtithe tacaíochta in 2025, 2026 agus 2027. Is féidir leis seo a bheith ina mheascán d'airgead tirim agus ioncam comhchineáil. Ba cheart go mbeadh na foinsí ioncaim seo slán agus réalaíoch, agus ba cheart duit cuntas a thabhairt freisin ar aon acmhainní neamhairgeadais atá i bhfeidhm chun tacú leis an tionscadal.

Snáithe 2: Áiteanna Ildánacha Dámhachtain na Fréimhe Céim 2

Mairfidh an dámhachtain ar feadh suas le dhá bhliain (2025 agus 2026).

- **Is é an t-uasmhéid is féidir leat a iarraidh ná idir €70,000-€90,000 don bhliain.**
- Tacóidh an dámhachtain seo le ceapachán (leanúnach) Chomhordaitheoir na nÁiteanna Ildánacha agus le buiséad an chláir. Ba cheart buiséad a shocrú don ról seo ar feadh trí lae ar a laghad sa tseachtain, go hidéalach níos mó, i gcomhréir le taithí chuí agus shaineolach.
- Níor chóir go rachadh níos mó ná 45% den bhuiséad i dtreo costais riaracháin, taighde, forbartha agus meastóireachta.
- Ba cheart 55% ar a laghad den bhuiséad a leithdháileadh ar chostais clár agus chumarsáide.
- Caithfidh 30% ar a laghad de na costais iomlána teacht ó chomhpháirtithe tacaíochta in 2025 agus 2026 araon. Is féidir leis seo a bheith ina mheascán d'airgead tirim agus ioncam comhchineáil. Ba cheart go mbeadh na foinsí ioncaim seo slán agus réalaíoch, agus ba cheart duit cuntas a thabhairt freisin ar aon acmhainní neamhairgeadais atá i bhfeidhm chun tacú leis an tionscadal.
- Maidir le hÁiteanna Ildánacha Dámhachtain na Fréimhe Céim 2, d'fhéadfadh sé go mbeadh maoiniú fágtha agat ó do chéim trí bliana in 2025 – déan cuntas ar an méid seo mar ioncam tionscadail i d'ioncam agus caiteachas mionsonraithe.

Snáithe 3: Áiteanna Ildánacha Dámhachtain an Fháis Céim 2

- Mairfidh an dámhachtain ar feadh dhá bhliain (2025 agus 2026).
- **Is é an t-uasmhéid is féidir leat a iarraidh ná idir €70,000 - €90,000 don bhliain.**
- Tacóidh an dámhachtain seo le ceapachán (leanúnach) Chomhordaitheoir na nÁiteanna Ildánacha agus le buiséad an chláir. Ba cheart buiséad a shocrú don ról seo ar feadh trí lae ar a laghad sa tseachtain, go hidéalach níos mó, i gcomhréir le taithí chúí agus shaineolach.
- Níor chóir go rachadh níos mó ná 45% den bhuiséad i dtreo costais riaracháin, taighde, forbartha agus meastóireachta.
- Ba cheart 55% ar a laghad den bhuiséad a leithdháileadh ar chostais clár agus chumarsáide.
- Caithfidh 30% ar a laghad de na costais iomlána teacht ó chomhpháirtithe tacaíochta in 2025 agus 2026 araon. Is féidir leis seo a bheith ina mheascán d'airgead tirim agus ioncam comhchineáil. Ba cheart go mbeadh na foinsí ioncain seo slán agus réalaíoch, agus ba cheart duit cuntas a thabhairt freisin ar aon acmhainní neamhairgeadais atá i bhfeidhm chun tacú leis an tionscadal.
- Maidir le hÁiteanna Ildánacha Dámhachtain an Fháis Céim 2, d'fhéadfadh sé go mbeadh maoiniú fágtha agat ó Chéim 2, bliain 1 go 2025 – déan cuntas ar an méid seo mar ioncam tionscadail i d'ioncam agus caiteachas mionsonraithe.

Costais rochtana d'ealaíontóirí nó rannpháirtithe¹ faoi mhíchumas

Táimid tiomanta dár scéimeanna maoinithe agus an obair a mhaoinímid a dhéanamh inrochtana do chách. Chun an sprioc sin a bhaint amach, cuirimid tacaíochtaí airgeadais ar fáil chun bacainní a bhaint d'ealaíontóirí agus do rannpháirtithe faoi mhíchumas. Costais rochtana do dhaoine faoi mhíchumas a thugtar orthu seo.

Glacaimid an cur síos ar mhíchumas ó Choinbhinsiún na Náisiún Aontaithe ar Chearta Daoine faoi Mhíchumas, mar aon le reachtaíocht agus cásdlí na hÉireann. Cuimsímid gach duine faoi mhíchumas go forleathan. Mar shampla, daoine ar a bhfuil lagú fisiciúil, leighis, cognaíoch, intleachtúil, foghlama, mothúchánach, nó céadfach.

Is ann do dhá chineál costas rochtana do dhaoine faoi mhíchumas a d'fhéadfadh a bheith ort a bhreithniú le haghaidh d'iarratais: costais rochtana phearsanta do dhaoine faoi mhíchumas agus costais rochtana lucht féachana do dhaoine faoi mhíchumas.

Cuireann an Chomhairle Ealaíon maoiniú ar leith ar fáil i gcás costais rochtana phearsanta do dhaoine faoi mhíchumas anuas ar do chroí-bhuiséad. Ní mór duit costais rochtana lucht féachana do dhaoine faoi mhíchumas a mhaoiniú ó thaobh istigh de do chroí-bhuiséad.

1. Costais phearsanta rochtana do dhaoine faoi mhíchumas

Ba cheart go gcuideodh na tacaíochtaí seo leat bacainní a bhaint d'ealaíontóirí nó do rannpháirtithe faoi mhíchumas a bhfuil do thogra á sheachadadh acu. Mar shampla:

- Tusa
- Na príomhealaíontóirí, daoine aonair, grúpaí nó eagraíochtaí a bhfuil baint acu le do

¹ Tugann an Chomhairle Ealaíon sainmhíniú ar rannpháirtithe mar iad siúd a chuireann iad féin in iúl go cruthaitheach trí pháirt a ghlacadh i ngníomhaíochtaí ealaíonta.

thogra

- Comhpháirtithe, meantóirí nó comhoibrithe
- Foireann léiriúcháin
- Príomhfhoireann nó príomhphearsanra riaracháin.

Seo a leanas samplaí de thacaíochtaí, ach gan bheith teoranta dóibh:

- Ateangaire Theanga Chomharthaíochta na hÉireann do rannpháirtí nó do rannpháirtithe
- Seirbhísí oibrí tacaíochta rochtana.
- Am breise cleachtaidh nó sa stiúideo.

Tabhair faoi deara: is féidir cur isteach ar na costais seo anuas ar an uasmhéid atá ar fáil don dámhachtain.

2. Costais rochtana lucht féachana do dhaoine faoi mhíchumas

Is costais iad seo a bhaineann le do chuid oibre a dhéanamh insroichte do dhaoine faoi mhíchumas. Táimid ag iarraidh a chinntiú go mbainfidh tuilleadh daoine sásamh as eispéiris ealaíon ar ardchaighdeán agus gur féidir le gach duine rochtain a fháil ar, agus sásamh a bhaint as an obair a mhaoinimid. Ba cheart rochtain do dhaoine den lucht féachana faoi mhíchumas a mheas mar ghnáthchuid de do chuid oibre.

Samplaí de thacaíochtaí chun do chuid oibre a dhéanamh insroichte do do lucht féachana is ea:

- Ateangaire TCÉ le haghaidh d'imeacht nó le haghaidh do thaibhithe
- Seirbhís tráchttaireachta fuaimne a úsáid
- Do shuíomh gréasáin a chur in oiriúint do léitheoirí scáileáin
- Ábhair thaispeántais a chruthú i bhformáidí eile amhail Braille nó fuaim.

Nóta: ní chuireann an Chomhairle Ealaíon maoiniú breise ar fáil do na costais sin i láthair na huaire. Ní mór duit na costais sin a chur san áireamh i do chroí-bhuiséad iarratais.

Conas iarratas a dhéanamh ar chostais rochtana do dhaoine faoi mhíchumas

Má chuireann tú costais rochtana do dhaoine faoi mhíchumas san áireamh i do thogra, ní mór duit cáipéis a uaslódáil freisin ina liostaítear na costais sin i dteannta na n-ábhar tacaíochta. Tá teimpléad roghnach ar fáil ar leathanach maoinithe Áiteanna Ildánacha ar shuíomh gréasáin na Comhairle Ealaíon. Ní mór duit na costais a léiriú in dhá líne ar leithligh de d'fhoirm iarratais freisin:

- Líne do chostais rochtana phearsanta do dhaoine faoi mhíchumas
- Líne do chostais rochtana lucht féachana do dhaoine faoi mhíchumas.

Tabhair faoi deara: is cuma má úsáideann tú do cháipéis féin nó teimpléad na Comhairle Ealaíon, ní mór an dá chineál costas rochtana do dhaoine faoi mhíchumas a thaispeáint ar leithligh.

Cad a tharlóidh má tá an maoiniú a thairgtear dom níos lú ná an méid a d'iarr mé?

Má thairgtear maoiniú duit atá níos lú ná an méid a d'iarr tú, pléifimid leat conas a bheartaíonn tú do ghníomhaíocht mholta a sheachadadh agus athbhreithniú á dhéanamh

agat ar an mbuiséad athbhreithnithe. Pléifimid coigeartú cuí ar do chostais rochtana do dhaoine faoi mhíchumas freisin.

Cén chaoi a n-éilím mo chostais rochtana phearsanta do dhaoine faoi mhíchumas?

Má éiríonn le d'iarratas, tabharfaimid eolas duit maidir leis an gcaoi le do mhaoiniú a tharraingt anuas. Déantar costais rochtana phearsanta do dhaoine faoi mhíchumas a tharraingt anuas ar leithligh ó do chroímhaoiniú. B'fhéidir go n-iarrfaí ort tuairisc ghairid a chomhlánú ar an gcaoi ar úsáid tú na cistí sin.

Cé mhéad maoinithe ar féidir leat iarratas a dhéanamh air?

Agus tú ag cur isteach ar Áiteanna Ildánacha, ní mór duit plean buiséid mionsonraithe ar leith a chur isteach ina liostaítear gach mír ioncaim agus chaiteachais a bhaineann le do thogra. Baineann sé seo leis na hiarratasóirí faoi na snáitheanna ar fad

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú sa bhuiséad.

- Ba cheart go n-áireofaí leis an gcaiteachas beartaithe táillí iomlána, * pá, costais thaighde agus fhorbartha, táirgeadh, costais mhargaíochta agus phoiblíochta, costais riaracháin, etc.
- Ioncam beartaithe: caithfidh íosmhéid 30% de na costais iomlána teacht ó chomhpháirtithe tacaíochta in 2025 agus 2026 (agus 2027 i gcás iarratasóirí ar Shnáithe 1). Is féidir leis seo a bheith ina mheascán d'airgead tirim agus ioncam comhchineáil. Ba cheart go mbeadh na foinsí ioncaim seo slán agus réalaíoch, agus ba cheart duit cuntas a thabhairt freisin ar aon acmhainní neamhairgeadais atá i bhfeidhm chun tacú leis an tionscadal.

Is tábhachtach freisin gach tacaíocht chomhchineáil** a léiriú san ioncam agus sa chaiteachas araon chun fíorluach agus luach iomlán do thogra a chur in iúl.

*** Nóta maidir le pá ealaíontóirí** Tá an Chomhairle Ealaíon tiomanta do phá agus coinníollacha ealaíontóirí a fheabhsú. D'fhoilsíomar [beartas](#) maidir le luach saothair agus conraitheoireacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas. Iarrfar ort, mar chuid den phróiseas iarratais, an chaoi a gcinnteoidh tú pá cóir agus coinníollacha cearta do na healaíontóirí a oibríonn leat a leagan amach. Cabhróidh sé seo linn indéantacht d'iarratais a mheas.

**** Nóta maidir le tacaíocht chomhchineáil** Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba cheart duit caitheamh le tacaíocht chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba cheart duit é a dhearbhu freisin ar thaobh an ioncaim.

Ní féidir am a thugann na stiúrthóirí nó comhaltaí boird a áireamh mar chostas comhchineáil.

Iarrtar ort an t-ioncam, an caiteachas agus an méid atá á iarraidh agat a shonrú ag trí chéim le linn d'iarratais:

- Ar an mbuiséad mionsonraithe ar leith a chuireann tú isteach mar chuid d'iarratas
- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais.

Cinntigh go bhfuil na figiúirí iomlána mar an gcéanna sna trí chás, agus cinntigh gurb ionann an méid atá á iarraidh agus CAITEACHAS IOMLÁN Iúide IONCAM IOMLÁN.

1.5 Cad nach féidir leat iarratas a dhéanamh air?

Ní féidir leat cur isteach ar níos mó ná dámhachtain tionscadail amháin sa bhabhta maoinithe seo.

I measc na gcostas nach féidir leat cur isteach orthu, tá na cinn seo a leanas:

- Mórcheannacháin chaipitiúla nó infheistíocht i dtionscadal caipitil
- Príomhchostais leanúnacha; mar sin féin, beidh costais bainistíochta tionscadail incháilithe mar go mbaineann siad le seachadadh an togra
- Costais nach n-oireann do chuspóir na dámhachtana

I measc na ngníomhaíochtaí nach féidir leat cur isteach orthu, tá na cinn seo a leanas:

- Gníomhaíochtaí nach n-oireann do chuspóir na dámhachtana
- Gníomhaíochtaí a d'oirfeadh níos fearr do dhámhachtain eile arna maoiniú ag an gComhairle Ealaíon nó arna feidhmiú ag gníomhaireachtaí Stáit eile, amhail Cultúr Éireann
- Gníomhaíochtaí a bhí ar siúl cheana féin
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, nó a bheidh ar siúl go príomha chun brabús a dhéanamh
- Tograí a ndearna an Chomhairle Ealaíon measúnú orthu cheana féin, mura féidir leat a léiriú go ndearna tú an togra a fhorbairt go mór ó chuir tú iarratas isteach an uair roimhe ag brath ar aiseolas a fuarthas **nó** má mhol an Chomhairle Ealaíon duit go sonrath d'iarratas a atreorú chuig an dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.

1.6 Cén t-ábhar tacaíochta nach mór duit a chur isteach le d'iarratas?

Ciallaíonn ábhar tacaíochta ábhar **ar leith ó** d'fhoirm iarratais agus **sa bhreis air**. Cabhraíonn sé seo leis na daoine a bhfuil measúnú á dhéanamh acu ar d'iarratas chun tuiscint níos soiléire a fháil ar do thogra. Léigh go han-chúramach an liosta seo a leanas den ábhar tacaíochta a theastaíonn, mar is é an chúis is mó a meastar iarratais a bheith neamh-incháilithe ná go dteiptear cloí leis seo.

Le bheith incháilithe le haghaidh measúnú i gcomhair Áiteanna Ildánacha, **caithfidh** tú an t-ábhar tacaíochta seo a leanas a chur isteach ar líne:

Snáithe 1: **Áiteanna Ildánacha Dámhachtain an tSíl**

- Litir chumhdaigh ón bpríomhiarratasóir ina dtugtar le fios cén snáithe a bhfuil tú ag cur isteach air agus cén fáth.
- Ráiteas/litir thacaíochta ó gach comhpháirtí rannpháirteach ina bhfuil cuntas ar a gcuid cuspóirí, ionchas agus tiomantas maidir leis an tionscadal – féach ar **Na**

formáidí comhaid a nglactar leo i [gcuid 2.3 Ullmhaigh aon ábhar tacaíochta atá riachtanach don iarratas.](#)

- **Buiséad mionsonraithe ar leithligh** maidir leis an ngníomhaíocht atá beartaithe – ní mór é sin a chur isteach chomh maith leis an bhfaisnéis bhuiséid atá san fhoirm iarratais.
- Fianaise ar aon tacaíocht airgeadais, sochar comhchineáil san áireamh, nó urraíocht a aithníodh sa bhuiséad togra – e.g. meabhrán tuisceana, litir thacaíochta, nó a leithéid de cháipéis.
- Cáipéis a thugann fianaise maidir lena gcuid eolais agus taighde ar phróifíl dhéimeagrafach, láidreachtaí sóisialta, cultúrtha agus eacnamaíocha, agus acmhainneacht na háite atá beartaithe.
- Cáipéis a chuireann in iúl agus ina bhfuil fianaise láidir ar a gcuid oibre go nuige seo mar áit ildánach.
- Cáipéis ina bhfuil cur síos ar a gceisteanna taighde: cad é cuspóir an taighde agus cad iad na ceisteanna a iarradh ar an taighdeoir freagairt dóibh? Ba cheart duit cóip de do thuairisc taighde a chur isteach.
- Cáipéis a dhéanann cur síos ar phleananna chun monatóireacht, doiciméadú agus measúnú a dhéanamh ar an tionscadal.

Snáithe 2: [Áiteanna Ildánacha Dámhachtain na Fréimhe Céim 2](#)

- Litir chumhdaigh ón bpríomhiarratasóir ina dtugtar le fios cén snáithe a bhfuil tú ag cur isteach air agus cén fáth.
- Ráiteas/litir thacaíochta ó gach comhpháirtí rannpháirteach ina bhfuil cuntas ar a gcuid cuspóirí, ionchas agus tiomantas maidir leis an tionscadal – féach ar **Na formáidí comhaid a nglactar leo i [gcuid 2.3 Ullmhaigh aon ábhar tacaíochta atá riachtanach don iarratas.](#)**
- **Buiséad mionsonraithe ar leithligh** maidir leis an ngníomhaíocht atá beartaithe – ní mór é sin a chur isteach chomh maith leis an bhfaisnéis bhuiséid atá san fhoirm iarratais.
- Fianaise ar aon tacaíocht airgeadais, sochar comhchineáil san áireamh, nó urraíocht a aithníodh sa bhuiséad togra – e.g. meabhrán tuisceana, litir thacaíochta, nó a leithéid de cháipéis.
- Cáipéis a chuireann in iúl agus ina bhfuil fianaise láidir ar a gcuid oibre go nuige seo mar áit ildánach.
- Cáipéis ina ndéantar cur síos ar an bpróiseas monatóireachta agus measúnachta a úsáideadh go nuige seo, mar aon leis na rudaí a foghlaimíodh agus an tionchar atá acu ar do chur chuige.

Snáithe 3: [Áiteanna Ildánacha Dámhachtain an Fháis Céim 2](#)

- Litir chumhdaigh ón bpríomhiarratasóir ina dtugtar le fios cén snáithe a bhfuil tú ag cur isteach air agus cén fáth.
- Ráiteas/litir thacaíochta ó gach comhpháirtí rannpháirteach ina bhfuil cuntas ar a gcuid cuspóirí, ionchas agus tiomantas maidir leis an tionscadal – féach ar **Na formáidí comhaid a nglactar leo i [gcuid 2.3 Ullmhaigh aon ábhar tacaíochta atá riachtanach don iarratas.](#)**

- Buiséad mionsonraithe ar leithligh maidir leis an ngníomhaíocht atá beartaithe – ní mór é sin a chur isteach chomh maith leis an bhfaisnéis bhuiséid atá san fhoirm iarratais.
- Fianaise ar aon tacaíocht airgeadais, sochar comhchineáil san áireamh, nó urraíocht a aithníodh sa bhuiséad togra – e.g. meabhrán tuisceana, litir thacaíochta, nó a leithéid de cháipéis.
- Cáipéis a thugann nuashonrú ar Bhliain 1 de Chéim 2 d'Áiteanna Ildánacha, ag cur síos ar aon athruithe ar phearsanra agus/nó cur chuige.
- Cáipéis ina ndéantar cur síos ar an bpróiseas monatóireachta agus measúnachta a úsáideadh go nuige seo, mar aon leis na rudaí a foghlaimíodh agus an tionchar atá acu ar do chur chuige.

Ní féidir leat iarratas ar thacaíocht a dhéanamh ach faoi shnáithe **amháin** den dámhachtain. **Ní mór** duit an snáithe ar a bhfuil iarratas á dhéanamh agat a aithint go soiléir i [gcuid 1.5](#) den fhoirm iarratais.

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách - e.g. CVanna agus litreacha tacaíochta - a uaslódáil mar cháipéisí ar leith le d'iarratas.

Faisnéis bhreise a bhíonn ag teastáil i gcásanna áirithe:

- Má tá tú ag lorg costais rochtana bhreise phearsanta do dhaoine nó do rannpháirtithe faoi mhíchumas nó don lucht féachana faoi mhíchumas, cuir cáipéis san áireamh ina leagtar amach na costais sin, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.
- Má tá obair le hainmhithe i gceist le do thogra, ní mór duit cóip de do *Bheartas agus Nósanna Imeachta um Chosaint Ainmhithe* a chur ar fáil.

Maidir le hiarratais a bhaineann le leanaí agus le daoine óga atá faoi bhun ocht mbliana déag d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisghrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat.
- Má éiríonn leat, iarrfar ort Féin-iniúchadh Dearbhaithe Cáilíochta na Comhairle Ealaíon i dtaca le Cosaint agus Leas Leanaí a chomhlánú ar <https://childprotection.artscouncil.ie/>. Téigh chuig www.tusla.ie le tuilleadh eolais a fháil maidir le Tús Áite do Leanaí.

- Éileofar ort freisin do chuid sonraí a nuashonrú sa táb faisnéise faoin bpróifíl sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Maidir le hiarratais a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má chuireann tú tic sa bhosca Tá, cuireann tú in iúl go n-oibreoidh tú leis an gcohort seo nó go gcuirfidh tú obair i láthair don gcohort seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

* Tabhair faoi deara go bhféadfaí iarradh ort níos mó fianaise maidir le cloí leis na beartais seo a chur ar fáil má bhíonn rath ar d'iarratas

Measfar nach bhfuil d'iarratas incháilithe mura gcuirfidh tú an t-ábhar tacaíochta riachtanach isteach.

Má bhíonn tuilleadh faisnéise uait faoi na formáidí is féidir leat a úsáid faoi choinne an ábhair tacaíochta is mian leat a uaslódáil mar chuid de d'iarratas, féach ar chuid **2.3 Ullmhaigh aon ábhar tacaíochta atá riachtanach don iarratas.**

1.7 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spríocdháta.
2. Ní sheolann tú isteach foirm iarratais chomhlánaithe trí Sheirbhísí Ar Líne (ní ghlacfar le foirm iarratais a cheanglaítear mar cháipéis tacaíochta).
3. Níor chomhlánaigh tú gach cuid den fhoirm iarratais a bhaineann le do thogra.
4. Níl tú incháilithe iarratas a dhéanamh faoi na critéir a leagtar amach i gcuid 1.2 agus i gcuid 1.3 thuas.
5. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar atá leagtha amach i gcuid 1.4 thuas (ach amháin nuair atá tú ag déanamh iarratas ar mhéid breise chun costais rochtana phearsanta nó costais rochtana do rannpháirtithe faoi mhíchumas a chlúdach).
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.5 thuas.
7. Níor chuir tú gach ceann de na hábhair thacaíochta riachtanacha mar a leagtar amach i gcuid 1.6 thuas ar fáil.
8. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirfidimid an deis maoinithe níos oiriúnaí in iúl duit sa chás seo).

Tabhair faoi deara: sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú incháilithe iarratas a dhéanamh leis an togra céanna i mbabhtáí maoinithe sa todhchaí.

2. An dóigh le d'iarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Tabhair faoi deara: caithfidh tú ríomhaire nó ríomhaire glúine a úsáid chun d'iarratas a chur isteach. Ní oibríonn ár láithreán gréasáin Seirbhísí ar Líne ar fhóin ná ar tháibléid.

Ní mór do do ríomhaire agus don bhrabhsálaí idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

-
- PC**
- Córas oibriúcháin Windows 7 nó leagan níos déanaí de Windows
 - Oibreoidh OLS leis na leaganacha is déanaí de gach brabhsálaí – e.g. Microsoft Edge, Google Chrome, Safari, Mozilla Firefox

-
- Mac**
- Mac OS X v10.5 Leopard nó leagan níos déanaí de chóras oibriúcháin Mac
 - Oibreoidh OLS leis na leaganacha is déanaí de gach brabhsálaí – e.g. Microsoft Edge, Google Chrome, Safari, Mozilla Firefox
-

Tabhair faoi deara: ní mór go mbeidh Microsoft Word (Deasc) nó OpenOffice Writer suiteáilte freisin chun an fhoirm iarratais féin a chomhlánú. Bogearra saor in aisce is ea OpenOffice Writer is féidir a íoslódáil anseo: <https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9Xxgmg0Eo>

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.

- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuáí de, a íoslódáil agus a úsáid. Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spríodhata.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spríodhata agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spríodhata. Ba cheart duit d'iarratas a ullmhú agus a chur isteach tamall maith roimh an spríodhata.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig onlineservices@artscouncil.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuairisciú dúinn tamall maith roimh an spríodhata. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tús freastail ar an gceann is tuisce.

Cuimhnigh go ndéantar anrud glaonna ag druidim leis an spríodhata agus go mb'fhéidir nach réiteofar glaonna i dtaobh tacaíocht theicniúil a gheofar tar éis a 2.00 p.m. ar lá an spríodhata.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word (Deisce)/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaíon in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuid i gceist leis seo – e.g. téacs, físeán, íomhánna nó taifeadtaí fuaimne (féach cuid **1.6 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas formáidí comhaid do d'ábhar tacaíochta.

Cineál comhaid	Iarmhír comhadainm
téacscomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid PDF Adobe Acrobat	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Tabhair faoi deara: Is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách - e.g. CVanna agus litreacha tacaíochta - a uaslódáil mar cháipéisí ar leith le d'iarratas.

In áit d'ábhar a uaslódáil go díreach, féadfaidh tú naisc a chur ar fáil chuig ábhar atá á óstáil ar ardáin sruthaithe nach gcuireann teorainn ar rochtain trí shíntiús airgeadais. Chun é sin a dhéanamh, cóipeáil an URL (seoladh iomlán an tsuímh ar a bhfuil d'ábhar á óstáil) isteach i gcáipéis Microsoft Word (Deisce) nó OpenOffice Writer nó cáipéis PDF agus uaslódáil é mar cháipéis tacaíochta ina bhfuil nasc gréasáin.

“Cé nach liosta iomlán é seo, ba shamplaí d'ardáin chomhroinnte inghlactha iad YouTube, Vimeo, SoundCloud, Bandcamp.

Tabhair faoi deara nach nglacfaimid le naisc chuig na foinsí seo a leanas:

- Suíomhanna comhroinnte comhad – e.g. Google Drive, OneDrive
- Ardáin na meán sóisialta – e.g. Meta, Instagram
- Do láithreán gréasáin pearsanta féin.

Tabhair faoi deara: ní bhreathnóidh na measúnóirí ach amháin ar naisc URL a chuireann tú ar fáil. Tá sé tábhachtach go ndéanfaidh tú cinnte go n-oibríonn gach nasc sa doiciméad agus go dtugann na naisc an breathnóir chuig an bhfoinse cheart ionas go mbeidh an breathnóir in ann rochtain a fháil ar d'ábhar tacaíochta agus breathnú air.

Ná marcáil d'ábhar mar 'príobháideach' mar nach mbeidh sé ar fáil lena mheasúnú. Athraigh na socruithe ar d'fhíseán go 'neamhliostaithe' más rud é nár mhaith leat go mbeadh an pobal in ann féachaint ar ábhar tacaíochta an iarratais ar do chainéal YouTube.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis – i.e. mar shampla ba cheart go mbeadh

sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha	russelljack iarratas ar Thionscadal Ailtireachta.doc
maithe le	russelljack gearrthóg taibhithe.mp4
tabhairt ar	russelljack Tionscadal ailtireachta teimpléad buiséid babhta 2.xls
chomhaid i gcás	russelljack nasc youtube.doc
iarratasóra darb ainm Jack Russell	

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

Tabhair faoi deara: níl cead na carachtair seo a leanas a úsáid in ainm an chomhaid: " * : < > ? / \

2.4 Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tús a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán** lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CV nó CVanna agus aon ábhar tacaíochta riachtanach eile (féach ar chuid **1.6 Cén t-ábhar tacaíochta nach mór duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá d'fhoirm iarratais curtha i gcrích agat mar chomhaid **.docx**, agus má tá tú muiníneach go bhfuil d'fhoirm iarratais líonta isteach i gceart (lena n-áirítear clóscríobh laistigh de na réimsí liatha) ach go léiríonn na seirbhísí ar líne teachtaireacht a deir nach féidir an fhoirm a uaslódáil, déan iarracht í a shábháil mar chomhaid **.doc** agus í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhreagras a bhaineann leis an iarratas seo. **Tabhair faoi deara:** tá sé tábhachtach go rachfá i dteagmháil le onlineservices@artscouncil.ie **mura bhfaigheann tú** an dara ríomhphost deimhnithe ina mbeidh an uimhir iarratais.

3. Próiseáil agus measúnú na n-iarratas

3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom trédhearcach ann maidir le dámhachtainí a bhronnadh.

3.2 An próiseas measúnaithe

Déanann an Chomhairle Ealaíon gach iarratas a fhaightear a phróiseáil mar seo a leanas:

- 1 I ndiaidh d'iarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'iarratas leis.
 - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'iarratas.

Tabhair faoi deara: ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh measúnú.

Mura bhfaigheann tú ríomhphost ina mbeidh d'uimhir iarratais, téigh i dteagmháil le onlineservices@artscouncil.ie

- 2 Seiceáiltear inghlacthacht an iarratais. Féach ar chuid **1.7 Incháilitheacht** thuas.
- 3 Molann comhairleoir(i) agus/nó an fhoireann gur cheart iarratas a chur ar an ngearrliosta nó nár cheart, bunaithe ar na critéir i gcuid 2.1 de na treoirlínte seo.
- 4 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
- 5 Cuirtear na cinntí in iúl do na hiarratasóirí i scríbhinn.
- 6 Déanann an Chomhairle nóta de na cinntí.

Achar ama

Déanann an Chomhairle Ealaíon dianiarracht iarratais a mheasúnú chomh luath agus is féidir ach mar gheall ar líon na n-iarratas agus ar an bpróiseas dianmheasúnaithe, d'fhéadfadh sé suas le **deich seachtaine** a thógáil ón spriocdháta go dtí go ndéanfar an cinneadh.

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear na hacmhainní atá ar fáil san áireamh. Déantar gach iarratas a mheasúnú de réir na gcritéir seo a leanas:

- Caighdeán an iarratais
- Na bealaí ina gcomhlíontar cuspóirí agus tosaíochtaí na dámhachtana iontu
- Indéantacht.

Is é seo a leanas an próiseas a úsáidfear chun measúnú a dhéanamh ar na critéir sin:

Caighdeán an iarratais

Díríonn an measúnú ar cháilíocht ar an togra agus ar an gcaoi ar thuig sé cuspóirí agus tosaíochtaí na dámhachtana, agus áirítear leis:

- An fhianaise agus an t-eolas a bailíodh chun an togra a threorú
- Cuntas teiste an iarratasóra agus na comhpháirtíochta lena mbaineann mar atá léirithe in ábhar tacaíochta eile a cuireadh isteach
- Acmhainn an iarratasóra agus na comhpháirtíochta mar atá léirithe san fhoirm iarratais agus san ábhar tacaíochta a cuireadh isteach
- An uailmhian, an úrnuacht agus an iniúlacht atá léirithe sa togra
- Conas a léiríonn an feidhmchlár nuálaíocht, comhoibriú agus inbhuanaitheacht.

Cuspóirí agus tosaíochtaí na dámhachtana a bhaint amach

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – (féach ar chuid **1.1 Cuspóirí agus tosaíochtaí na dámhachtana**).

Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear air sin breathnú ar na nithe seo a leanas:

- Cuntas teiste an phearsanra a bhfuil baint acu leis an tionscadal a bhainistiú, a riar, agus a sholáthar
- A mhéid a léiríonn an t-iarratasóir go bhfuil coinníollacha agus luach saothair cothrom á soláthar do na healaíontóirí rannpháirteacha
- A mhéid is atá comhpháirtithe tionscadail aitheanta páirteach nó tiomanta
- An buiséad atá beartaithe
- Foinsí eile ioncaim
- Acmhainní eile atá ar fáil agus an teacht atá orthu
- An clár ama nó an sceideal atá beartaithe.

3.4 Painéil phiaráí

Is é cuspóir chruinnithe an phainéil piaráí ná éagsúlacht tuairimí saineolacha a cheadú chun faisnéis a chur ar fáil don phróiseas cinnteoireachta. Bíonn ar a laghad triúr breithneoirí seachtracha ar phiarphainéal a mbíonn an fhoirm ealaíne ábhartha acu agus/nó a mbíonn saineolas acu ar chleachtas ealaíon.

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoirí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcruinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

- A – Caithfear a Mhaoiniú (10 bpointe): dar leis an gcomhalta painéil gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.
- B – Ba Chóir a Mhaoiniú (8 bpointe): dar leis an gcomhalta painéil gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.
- C – D’fhéadfaí a Mhaoiniú (5 phointe): dar leis an gcomhalta painéil gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- D – Ní Tosaíocht É (2 phointe): dar leis an gcomhalta painéil nár comhlíonadh na critéir san iarratas an oiread sin go bhfuil maoiniú tuillte aige.

Dearbhú leasa

D’fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhú má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann ‘leas’ a bheith ina ‘leas airgid’ nó ina ‘leas neamhairgid’ (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfoirmiúil, etc.)

Ní mór an leas a dhearbhú a luaithe agus is eol don chomhalta painéil é a bheith ann. D’fhéadfadh sé sin tarlú ag an bpointe nuair a iarrtar air/uirthi suí ar an bpainéal (más eol an ‘leas’ ag an bpointe sin) nó tar éis liosta na n-iarratasóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéil.

I roinnt cásanna, d’fhéadfadh sé nach n-aithneodh comhalta painéil go bhfuil coinbhleacht leasa ann go dtí go bhfaigheann agus go ndéanann sé/sí athbhreithniú ar na páipéir phainéil. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt chomhaltaí painéil in iúl go bhfuil coinbhleacht leasa acu i leith an iarratais chéanna, chuirfí an ball foirne den Chomhairle Ealaíon in ionad duine de na comhaltaí painéil ionas nach mbeadh an coinbhleacht leasa céanna ag an mbeirt chomhaltaí painéil. Murar féidir é sin a dhéanamh, beidh bainisteoir na foirne ealaíne agus cathaoirleach an phainéil páirteach sa phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dóibh é sin a dhearbhú a luaithe agus is eol dóibh go bhfuil a leithéid ann agus an fógra sin a thabhairt i scríbhinn roimh an gcrúinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Cuirfear ríomhphost chugat mura gcuirtear d’iarratas ar ghearrliosta. Má chuirtear d’iarratas ar ghearrliosta, déanfaidh an coiste athbhreithniú air.

Má éiríonn le d’iarratas, cuirfear litir thairisceana chugat ina sonrúfar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh le d’iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanais ann go mbronnfar

dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chláir dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

Achomhairc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.